

*"Pagtawag Kang Jesus Diha Sa Atong
Dinalian Nga Panginahanglan!"*

Semana 6 - 100 ka Adlaw sa Pag-ampo

Mayo 1 - 7, 2020

Mga Manolunda Tanan Palibot

Ni Melony Coleman

Kinahanglan nako ipahat ang usa ka kahibulongan nga kasinatian nga nahitabo bag-o lang gyud.

Ang akong bana usa ka pastor sa estado sa Oregon, Estados Unidos ug pangabli nga gabii kadto sa among wali, "Pinadayag sa Paglaum." Ako nagadasig og dugang pa nga pag-ampo sa among simbahan, busa nakadisidir ako nga ako ang magdumala sa lawak-ampoanan atol sa wali. Ang akong kauban kasagaran mga tiguwang nga mga higala o katawhan nga nagaampo didto sa ilang mga puloy-anan, busa dili ko makasiguro pila ka buok ang moapil panahon sa wali. Bahala na, nakadisidir ko sa pagmugna og usa ka lawak-ampoanan, nagalaum nga pipila sa mga membro sa iglesia mawilihon sa pagsulod ug mag-ampo puli-puli atol sa wali.

Nianang unang Biernes sa gabii ako rang usa gayud. Gibati ko nga nag-inusara, apan bahala na nag-ampo ko padayon. Pagka Sabado sa gabii ako ra gihapon. Murag nadiskoryo na ko. Nagpatukar ko og awit nga "The Lord's Prayer." Samtang kini nagatukar, nag-ampo ko. "Nahibalo ako nga diin adunay duha o tulo nga nagakatigum sa Imong ngalan, Ikaw anaa Ginoo, apan unsa kaha kon ako ra gyud?" ako nag-ampo sa hilum.

Sa dihang natapos og tukar ang kanta, gibuka ko ang akong mga mata ug ang lawak puno sa mga manolunda. Misugod ako sa paghilak samtang ninglibot ko sa pagtan-aw sa kahibulong. Ang mga manolunda tag-as, ingon ka taas sa kisame, ug may lagpad nga mga abaga. Sila nagdikit-dikit sa pagtindog sandig sa bongbong, palibot sa mga kanto sa kwarto. Gibati ko nga gamay kon itandi kanila. Sila adunay mga pako ug nagsul-ob og nagaagay nga daw-kupo nga mga sinina. Gitutokan ko ang ilang mga nawong. Mura silag tawo tan-awon, hilabihan ka ambongan nga mga tawo. Ang ilang mga mata hilabihan ka buotan ug sila nanagpahiyom og malumo, makapahupay nga mga pahiyom. Ang ilang panagway sa ilang nawong lanti kaayo ug sila adunay usa ka daw-mangugubat nga kalikopan sa kursunada palibot kanila. Ang ilang dulom nga buhok nag-agay paubos sa ilang mga abaga ug sila murag nagsidlak-sidlak sa nagkadaiyang bolok kon tan-awon. Samtang dili ako makatan-aw tadlas kanila, halos ako makakita. Ang ilang mga porma nagadan-ag og usa ka dulaw nga bolok. Nakakita lamang ako kanila sulod sa upat o lima ka segundos ug unya sila nangahanaw, apan dili ako makahunong sa paghilak sa tibuok gabii.

Nadiskoryo ako sa hilabihan, nagaduhaduha kon ang Dios makabuhat kon ako lamang ang anaa sulod sa lawak-ampoanan. Gipakita Niya kanako diha sa usa ka milagroso nga paagi nga kon ang usa ka tawo nagaampo, igo na kini. Gibati ko ang hilabihan nga pagkadilitakus ug ang pagkaubos nga Siya magahatag kanako niining daku nga gasa. Sa gihapon kanunay ako nagahilak sigon nga mahunahunaan ko ang mahitungod niining sagrado nga kasinatian.

Nagpadayon ako sa pag-ampo diha sa lawak-ampoanan sa among iglesia nga nag-inusara, pero wala na ako nadiskoryo, kay nahibalo ako nga ang lawak puno sa mga manolunda bisan pa dili ako makakita kanila. Gusto lang nako ipahat! Dili nato pakaminosan ang gahum sa pag-ampo. Bisin kon usa lang ka tawo ang nagaampo, igo na kana. Ang Dios maoy anaa sa buhat bisan pa sa diha nga kita dili makakita.

Si Melony Coleman maoy asawa sa usa ka pastor ug inahan sa tulo ka bata. Siya ang iyang panimalay nagpuyo diha sa habagatang Oregon.

MGA PANGUTANA SA KASINGKASING: Gibati mo ba usahay nga nag-inusara diha sa pag-ampo? Ikaw ba nag-ampo ug nag-ampo ug sa gihapon wala makakita og tubag nga imong gipangandoy? O natingala ka ba kon kini may kalahian sukad ikaw nagaampo nga nag-inusara? Ko ikaw tintalon nga madiskoryo, hinumdumi nga si Jesus nag-ampo nga nag-inusara ug tan-awa naunsa nga ang Iyang mga pag-ampo nakapausab sa kalibutan! Isipa si Abraham, Jacob, Jose, David, Elias, Ester, ug daghan pang uban tadlas sa kasiglohan. Sa mga panahon nga gibati nila nga labing nag-inusara, ug ugaling ang ilang mga pag-ampo nakapalihok sa langit.

ACKTIBONG HAGIT SA KASINGKAISNG: Niining semanaha, gusto namo hagiton kamo sa pagkuha og usa o duha ka mga tawo sa Biblia nga nahisgotan sa itaas (pagpili sigon sa imong gusto), ug kat-oni kutob sa imong mahimo mahitungod sa ilang mga panahon nga nag-inusara sa pag-ampo. Gamita ang Biblia ug ang Espirito sa Tagna alang sa pagdukiduki sa pagtuon sa Biblia, ug isulat ang imong mga nakaplagan. Unya pagpudlot og usa ka tawo nga imong gitamod sa tininuod gikan sa usa ka aspeto sa ilang kinabuhi sa pag-ampo, ug pag-ampo nga ang Dios mosilsil niana nga birtud sa pag-ampo diha kanimo.

“Kay si Elias maoy usa ka tawo sa dakung pagtoo nga ang Dios makagamit kaniya niining makahahadlok nga krisis diha sa kasaysayan sa Israel. Samtang siya nag-ampo, ang iyang pagtoo miabot ug naghakgum sa mga saad sa Langit, ug siya naglahutay diha sa pag-ampo hangtud ang iyang mga pangalyupo gitubag. Wala siya maghulat alang bug-os nga pamatuod nga ang Dios nakadungog kaniya, apan siya mawilihon sa pagpangahas sa tanan diha sa kinagagmayang timaan sa diosnong kagustohan. Ug unya unsay arangan nga iyang pagahimoon ilalum sa Dios, tanan mahimo diha sa ilang kalikopan sa bulohaton diha sa serbisyo sa Dios... Ang pagtoo nga ingon niini maoy gikinahanglan diha sa kalibutan karon—ang pagtoo nga mohupot sa mga saad sa pulong sa Dios ug sa pagbalibad nga buhian kini hangtud makadungog ang Langit.” Prayer, p. 138

Mas Palaluman – Mga Dugang nga Sugyot sa Pagbasa alang ning semanaha

- Ellen White, *The Truth About Angels*. [Click Here to Read](#)
- Cindy Mercer, *Pray Big: God Can Do So Much More!*



Adlaw 36 – Tutok Sa Pag-ampo – Biernes, Mayo 1, 2020

TAHO SA PAGDAYEG: Gidayeg nato ang Ginoo alang sa tanan nga mga pundok sa iglesia ug mga ministryo nga nagpadayon sa pagpangitag mamugnaon ug matabangon nga mga paagi sa pag-abot niadtong mga nakigbisog! Daghang mga kinabuhi ang nangatandog pinaagi sa gugma ni Jesus!

- Iampo ang mga membro sa iglesia nga nanagpuyo diha sa nagdasuk nga populasyon sa mga ciudad palibot sa tibuok kalibutan niining panahon sa pandemia. Pag-ampo alang sa panalipod ug pagsangkap alang sa ilang mga panginahanglanon.
- Pag-ampo alang sa paglahutay sa mga propesyonal mediko palibot sa kalibutan nga nakigbisog niining pandemia sa coronavirus sulod sa mga semana ug mga bulan na karon.
- Pag-ampo nga ang katawhan sa Dios magapadayon sa pagtuon sa halalum diha sa Iyang Pulong, magagugol og daghang panahon diha sa pag-ampo, magapadaplin sa ilang mga sala, ug mangandam alang sa di-na-dugay nga pagbalik.
- Hangyoa ang Dios sa pagpakita kanimo unsaon sa pag-ampo niining panahon sa krisis.



Adlaw 37 – Tutok Sa Pag-ampo - Sabado, Mayo 2, 2020

Pagtoo Gisulayan

“Ania karon, ako mao si Jehova, ang Dios sa tanang mga unod: may malisud pa ba alang kanako?” Jer. 32:27

“Ang Dios mosulay, ngadto sa kinatas-an, sa pagtoo ug kaisug niadtong Iyang gisangonan og mga responsibilidad diha sa Iyang buhat. Sagad ang mga pamisti ginadili. Bisan pa ang Dios naghatag na og balik-balik nga kasigurohan sa Iyang tabang, apan ang pagtoo halos mosukarap. “Kay ang Ginoo nag-ingon,’ kinahanglan mamahimong atong lig-on nga pagsalig, pagsandig sa tinawhanong mga pangatarongan, o dayag nga mga pagka-imposible.” *Signs of the Times, June 30, 1881, par. 15.*

Mga Pangutana sa Kasingkasing:

Sukad nga kita nahibalo nga may mas daku nga mga pagsulay ug pagtisting nga naghulat sa unahan sa umalabot, unsaon nato nga makapatubo og usa ka dili-matay-og nga pagtoo sa pagtindog nga makusganon bisan ginasulayan? Hunahunaa ang sugilanon sa tulo ka mga higala ni Daniel nga nag-atubang og nagdilaab nga hudnohan (Tan-awa ang Daniel 3).

Unsa kaha sa imong hunahuna ang nag-andam kanila sa pagbarog nga kusganon nianang adlaw nga malisud?

PAGDAYEG:

- Atol ning panahona sa dihang daghan kaayong katawhan ang wala gipagawas sa puloy-anan, may mga taho nga ming-abot giunsa sa Dios pag-abli og kahibulongang mga oportunidad alang sa online nga wali ug uban pang mga pagpang-abot. Si Evangelista Robert Costa nagpagula og usa ka dinaghan nga mga wali sa online ug 245,000 ang nakakita sa online diha sa usa ka kinabag-o nga tigum sa online. Si Evangelista John Bradshaw mao pay pagsugod og mga tigum nga may napulo ka mga libo ang nagatan-aw sa online.

MGA HANGYO SA PAG-AMPO:

- Iampo ang mga propesyonal sa maayong panglawas nga anaa sa unahan nga mga hanay nga nagapadayon sa pagpakigbisog niini nga pandemia. Iampo ang kahilwasan sa ilang maayong panglawas gikan COVID-19.
- Iampo ang mga tig-desisyon nga politikanhon sa paghibalo kanus-a kita mahilwas sa pag-abli pag-usab sa mga nasud nga nangalockdown. Iampo ang balanse nga pamaagi nga nagaisip sa kahilwasan sa maayong panglawas sa mga lumulupyong ingon man sa ekonomiya.
- Iampo ang daghang mga organisasyon, ug ginagmay nga mga negosyo nga nagaantus sa paninapi ingon nga usa ka resulta sa lockdown. Iampo ang katawhan nga makakaplag og mga pamaagi sa pag-abag sa mga ginagmay negosyo, aron sila dili madayonan og kasira.
- Iampo ang mga kababayan-an ug kabataan nga anaa sa mga pilegrong sitwasyon ug nanginahanglan og panalipod. Pag-ampo alang sa mga pamaagi sa pag-abot ngadto sa mga dali-masakit ug mga maluyahon diha sa imong kaugalingong kumunidad.
- Pag-ampo alang niadtong mga nanagtrabaho diha sa mga banko, tindahan, gasolinahan, ug uban pang mga negosyo nga mahinungdanon alang sa katawhan. Iampo nga sila mapanalipdan gikan sa pagkahitakdan sa Coronavirus samtang sila magpatigayon sa katawhan nga nagasulod alang sa mga serbisyo.



Adlaw 38 – Tutok sa Pag-ampo - Domingo, Mayo 3, 2020

Gikan sa Way-Kahimoan ngadto sa Kahimoan

“Ug si Jesus misud-ong kanila ug miingon, "Sa mga tawo dili gayud kini mahimo, apan sa Dios mahimo kini, kay sa Dios mahimo man ang tanan.” Marcos 10:27

“Natural nga mga way-kahimoan dili makapugon sa paglihok sa Labawng Makagagahum.”
Desire of Ages, p. 535

“Kita may usa ka Dios kansang igdulogog wala-gitabonan alang sa atong mga pangalyupo; ug kon atong pamatud-an ang Iyang pulong, Siya magpasidungog sa atong pagtoo. Gusto Niya nga kita magbaton sa tanan natong mga interes matinahi ngadto sa Iyang mga interes, ug unya Siya makapanalangin kanato sa luwas; kay kita unya dili mohimaya sa kaugalingon sa dihang ang panalangin atong maangkon, apan mohimo sa tanang pagdayeg ngadto sa Dios.” *Review and Herald*, June 9, 1891

Mga Pangutana sa Kasingkasing:

Sagad ang atong pagtoo diha sa Dios gamay tungod kay sa tinuod wala kita mag-ila sa ka daku sa atong Dios. Kita naghunahuna sa atong mga problema nga hilabihan ka daku nga Siya dili makasulbad niini. Kita nalimot nga kita nag-alagad sa Dios nga maoy nagkatag sa kalangitan pinaagi sa Iyang dakung gahum ug walay malisud nga butang alang Kaniya.

Karon, paggahin og panahon sa pagpamalandong sa pagkadaku sa Dios. Isulat ang mga batasan ug mga kinaiya nga gihuptan lang sa Dios. Sigon nga ikaw naghimo ning yano nga bulohaton, pangayoa sa Dios ang pagpausbaw sa imong pagpanabut ug pagsabut kon kinsa gyud Siya.

PAGDAYEG:

Kita nagadayeg sa Ginoo nga daghan sa katawhan sa Dios nagapadayag og pagtoo diha sa Iyang pagpangulo ug nagapangita alang sa mga abling pultahan inay nga sa pagtutok lamang sa mga pultahan nga nasirad-an gumikan ning maong pandemia.

Mga Hangyo sa Pag-ampo:

- Iampo nga ang katawhan mangaliya sa Dios nahanunod ning sitwasyon sa krisis— “Ang Dios ba adunay buot nga isulti kanato?” (1 Samuel 3:10)
- Iampo ang daghang katawhan diha sa mga labing kabus nga mga nasud nga walay trabaho ug nagkamalisud bisan sa pagpangitag pagkaon sama sa bugas ug mais. Daghan ang namilegro sa kagutom.
- Pag-ampo alang sa mga abli nga kasingkasing sa katawhan palibot sa tibuok kalibutan—sa paghatag, sa pagtabang, ug sa pag-ampo alang niadtong mga anaa sa krisis (Proverbio 22:9, Salmo 86:6-7)
- Iampo ang mga mag-uuma nga naningkamot sa pagtanum o pag-ani og mga duma ug sa mga trabahante nga magpabiling maayo.



Langitnong Gahum

“Karon nahibalo ako nga si Jehova nagaluwas sa iyang dinihog; Siya magatubag kaniya gikan sa iyang langit nga balaan Uban sa kusog sa kaluwasan sa iyang toong kamot. 7 Ang uban nagasalig sa mga carro, ug ang uban sa mga kabayo; Apan kami magahisgut sa ngalan ni Jehova nga among Dios.” Salmo 20:6,7

“Sila makig-indig sa mga gahum sa kangitngit, apan sila gipasaligan og langitnon nga tabang. Tanan nga mga intelehensya sa langit maoy anaa niini nga kasundalohan. Ug labaw pa sa mga manolunda ang anaa diha sa mga hanay. Ang Balaang Espiritu, ang representante sa Capitan sa kasundalohan ni Jehovah, monaug sa pagmando sa gubat. Ang atong mga kaluyahon tingali daghan, ang atong mga sala ug kasaypanan tingali mangil-ad; apan ang grasya sa Dios maoy alang sa tanan nga nangita niini uban ang paghinulsol. Ang gahum sa Labawng Makagagahum nalista alang-alang niadtong mga nanagsalig sa Dios.”

Desire of Ages, p. 352

Mga Pangutana sa Kasingkasing:

Usahay ka ba nangandoy nga makakita ka sa kasundalohan sa mga manolunda palibot sa imong puloy-anan, sa imong kinabuhi, ug sa imong panimalay? Isipa ang sugilanon ni Eliseo ug unsay nahitabo sa dihang ang Dios nagbuka sa mga mata sa iyang sulogoon (Basaha ang 2 Hari 6:17). Hunahunaa giunsa nga napulihan ang kahadlok sa iyang sulugoon sa pagtoo sa dihang iyang nakita ang mga karwahi nga nagkalayo. Unsa pa ang uban nga mga sugilanon diha sa Biblia nga imong mahunahunaan diin ang Dios nagbuka sa mga mata sa katawhang lalaki ug babaye sa pagkakita og manulonda?

PAGDAYEG:

Kita nagadayeg sa Dios nga daghan sa katawhan sa Dios maoy mga nagmatinud-anon sa pagbalik sa ilang mga ikapulo ug halad ug ang bisan ang pipila nagaplano sa paghatag og labaw pa tungod sa mga kakulangon nga mahimong motungha tungod sa daghan nga nawad-an og trabaho.

Mga Hangyo sa Pag-ampo:

- Iampo kadtong mga nanagtrabaho diha sa mga seguridad nga katungdanan, sama sa mga pulis, ug uban pa. Samtang kining kaguliyang sibil magausbaw tungod sa lockdown diha sa mga tinong bahin sa kalibutan, iampo ang pagpanalipod alang sa mga kalalakihan ug kababayan-an.
- Iampo nga ang mga pangulo sa pangagamhanan maghiusa ug magtinabangay inay nga magdaotay sa usag usa aron maka-eskor og mga politikanhong bentaha.
- Pag-ampo og mga kaayohan ug mga medyos nga mopahinay o mopahunong niini nga pandemia sa mas dali kay sa sigon nga gitag-an sa mga eksperto.
- Iampo ang mga lokal nga kaiglesiahan sa pagbaton og kahiusa, espiritohanong pagpabuhi ug mas dugang sa usa ka kahinungdanon alang sa misyon. Nakadawat kita og daghang mga hangyo palibot sa kalibutan alang niini nga mga isyu.



Adlaw 40 - Tutok sa Pag-ampo - Martes, Mayo 5, 2020

Nagatuo Nga Wala Nakakita

“Ug si Jesus miingon kaniya, “Mitoo ba ikaw tungod kay nakita mo ako? Dalaygon kadtong wala managpakakita, ngani nanagpanoo.” Juan 20:29

“Ang pagtoo nagabaton sa Dios diha sa Iyang pulong, may pagbati o wala. Kini mao ang pasalig sa mga butang nga gipaabot, ang panghimatuod sa pagkaanaa nga dili makita.’ Kita makatuo sa atong isigka-katawhan, ug dili ba kita makasalig sa pulong sa Dios? Inig duol nato Niya alang sa kaalam ug grasya, dili kita magatutok sa atong kaugalingon sa pagkita kon Siya nakahatag ba nato og usa ka pinasahi nga pagbati ingon nga usa ka kasigurohan nga Siya nakatuman sa Iyang pulong. Ang pagbati dili maoy basihan. Dagkung mga kadaot ang misangpot sa dihang ang mga Cristohanon nagsunod-sunod sa pagbati. Giunsa ko pagkahibalo nga si Jesus nakadungog sa akong mga pag-ampo?—ako nahibalo niini pinaagi sa Iyang saad. Siya nag-ingon Siya mamati sa mga kabus sa dihang sila magtuaw Kaniya, ako nagatuo diha sa Iyang pulong. Wala gayud nag-ingon ngadto sa ‘binhi ni Jacob, pangitaa ninyo Ako sa kawang.’ Kon kita magalakaw diha sa kahayag, kita makadangat sa trono sa grasya uban ang balaang kaisug. Kita makapresentar sa mga saad sa Dios diha sa buhing pagtoo, ug makapapugos sa atong mga pangaliya. Bisan pa kita maluya, ug masalaypon, ug dili-masaligan, ‘ang Espiritu nagapabaskog sa atong mga kaluyahon.’ ... Inig halad nato sa atong mga pangalyupo makausa, kinahanglan unya dili kita magabiya niini dayon, kondili sulti, sigon sa gibuhat ni Jacob sa dihang siya nakigbugno sa tibuok gabii sa manulonda, ‘Dili ko Ikaw pagabuhian, hangtud nga panalanginan Mo ako,’ ug sama kaniya kita magmadaugon.” *Bible Echo*, September 24, 1894, par. 6

Mga Pangutana sa Kasingkasing:

Kini usa ka butang ang pagtuo sa dihang ang milagro anaa nagatindog sa imong atubangan, sa dihang makita mo kini sa imong kaugalingong mga mata. Apan unsa kaha sa mga panahon nga kita dili makakita sa mga tubag, dili kita makakita sa mga milagro, kita dili makakita sa mga manolunda, ug kita dili makakita sa kamaayo sa Dios sa atong kinabuhi?

Kita ba sa gihapon magpabiling matud-anon sa pagsalig sa Dios bisan unya, bisan sa dihang kita dili makasabot? Samtang pamalandongon mo kini nga mga pangutana, susiha ang Hebreohanon 11:1, Roma 8:24-25, Marcos 9:24, Job 13:15

PAGDAYEG:

Dalaygon ang Ginoo nga diha sa daghang mga dapit ang kadaghanon sa mga bag-ong kaso sa COVID-19 nagtikaubos.

Mga Hangyo sa Pag-ampo:

- Pag-ampo samtang ang mga nasud ug mga ekonomiya magaabli nga wala na untay mga pagsaka sa kadaghanon sa mga inpeksyon.
- Iampo ang ministryo alang sa mga Intsik didto sa Cebu City ug sa tibuok Pilipinas ug Indonesia alang sa panalipod gikan sa coronavirus ug alang sa mas daghan pang mga Intsik sa matag nasud magkainteres diha sa pagpangita kang Jesus ug sa mga kamatuoran sa Biblia.
- Iampo nga ang nasud sa China nga may 1.4 ka bilyon nga katawhan mamahimong abli kaayo sa pagpakaylap sa maayong balita.
- Iampo nga kita makagamit og dugang panahon sa puloy-anan sa pagtuon sa halalum diha sa Biblia ug sa pagtudlo sa atong kabataan unsaon sa pagtuon ug paghigugma sa Pulong sa Dios.



ADLAW 41 – Tutok Sa Pag-ampo - Miyerkoles, Mayo 6, 2020

Gikan sa Tinagong Dapit

“Apan ang maong bahandi ginabatonan namo diha sa mga sudlanan nga yuta, aron sa pagpadayag nga ang labawng gahum iya sa Dios ug dili gikan sa among kaugalingon. 8 Kami ginasakit sa tanang paagi, apan wala manghiubos; nangalibog, apan wala kawad-i sa paglaum; 9 ginalutos, apan wala ikapanugyan; gipamunalan hangtud sa pagkapukan, apan wala mangalaglag; 10 sa kanunay ginasagukom namo dinhi sa lawas ang kamatayon ni Jesus, aron ang kinabuhi ni Jesus magadayag usab dinhi sa among mga lawas.” 2 Cor. 4:7-10

“Gikan sa tinagong dapit sa pag-ampo miabot ang gahum nga nakapatay-og sa kalibutan diha sa Dakung Repormasyon. Didto, uban ang balaang kakalmado, ang mga sulogoon sa Ginoo nagpahigayon sa ilang mga tiil ibabaw sa bato sa Iyang mga saad. Atol sa pakigbisog didto sa Augsburg, si Luter ‘wala mipalabay sa adlaw nga walay paggugol og tulo ka mga oras porlomenos sa pag-ampo, kini maoy mga oras nga pinili gikan niadtong labing paborable sa pagtuon.’ Diha sa kapribado sa iyang lawak siya nadunggan nga nagtahan sa iyang kalag atubangan sa Dios diha sa mga pulong ‘puno sa pagsimba, kahadlok, ug paglaum, sama sa usa nga nakigsulti ngadto sa usa ka higala.’ ‘Nahibalo ako nga Ikaw mao ang among Amahan ug among Dios,’ siya nag-ingon, ‘ug nga Ikaw mopakatag sa mga manglulutos sa Imong mga anak; kay Ikaw mismo nameligro kauban kanamo. Kining tanan nga butang maoy Imo, ug kini lamang pinaagi sa Imong pagpugong nga kami nagbutang sa among mga kamot niini. Panalipdi kami, unya, O Amahan!’” *Great Controversy*, p. 210

Mga Pangutana sa Kasingkasing:

Unsay imong labing ginapangandoy? Unsa ang kinalaluman nimo nga pagtuaw sa kasingkasing? Tingali wala ka pa nakapanghunahuna nahanungod niini bag-o lang. Tingali ikaw nagsulaysulay sa pagkabuhi. O tingali ikaw naghunahuna niini sa tanang panahon.

Paggahin og pipila ka mga gutlo karong adlaw sa paghunahuna mahitungod asa ikaw makakaplag sa imong kinadak-ang pagmaya ug imong kinadak-ang katagbawan. Sigon nga imong buhaton, pamalandongi ang Salmo 27:4, ug hangyog ang Ginoo sa paghatag kanimog usa ka kasingkasing nga sa tininuod gigutom nga maanaa unta diha sa Iyang presensya.

PAGDAYEG:

Dalaygon ang Dios nga ang mga Adventistang membro ug mga simbahan nagapangayo sa Dios alang sa mga mamugnaong paagi sa pag-abot sa ilang mga kumunidad palibot kanila. Ug nga ang Dios nagatubag niini nga mga pag-ampo nga may daghan nga mga mamugnaon nga pamaagi.

MGA HANGYO SA PAG-AMPO:

- Iampo ang mga tigulang ug ang kabataan—ang mga labing mahuyang taliwala kanato.
- Iampo ang mga membro sa iglesia nga nagakat-on unsaon sa pagpanday og mga higala sa mga Muslim.
- Iampo ang mga kagyo nga gibalhin pagpuyo karon ngadto sa ilang mga kasilinganan. Pag-ampo alang sa kaalam unsaon sa pagpangulo kanila ngadto sa kamatuoran.
- Iampo ang mga simbahan sa tibuok kalibutan sa pagbaton sa pagtoo sa pagsugod og mga sentro sa impluwensya diha sa mga ciudad haduol kanila.
- Pag-ampo alang sa Ikaduhang Ulan nga igabobo sa iglesia, nga ang buhat matapos aron kita makapamauli na.



Adlaw 42 – Tutok Sa Pag-ampo - Huebes, Mayo 7, 2020

Hingpit nga Kalinaw

“Pagabantayan mo siya diha sa pakigdait nga hingpit, kansang hunahuna sa kanunay anaa kanimo ; tungod kay siya nagasalig kanimo. 4 Sumalig kamo kang Jehova sa walay katapusan; kay kang Jehova, bisan kang Jehova, anaa ang usa ka bato nga walay katapusan.” – Isaiah 26:3-4

“Kadtong nanagbaton kang Cristo sa Iyang pulong, ug nanagtugyan sa ilang mga kalag alang sa Iyang pagtipig, ang ilang mga kinabuhi alang sa Iyang pagmando, makakaplag og kalinaw ug kamalinawon. Walay butang sa kalibutan nga makapasubo kanila sa dihang si Jesus nagapalipay kanila pinaagi sa Iyang presensya. Diha sa hingpit nga pagsanong adunay hingpit nga pahulay.” *Desire of Ages*, p. 331

Mga Pangutana sa Kasingkasing:

Sa dihang bation mo ang kaguliyang diha sa imong kasingkasing, asa ka modagan? Kinsay imong duolon? Si Jesus ba? Ang pagbutang sa atong pagsalig diha kang Jesus, ang Atong Walay Kataposan nga Bato, dili masukad kon unsay imong gibati diha sa bisan unsang tino nga gutlo. Kinahanglan ikaw magpili sa pagsalig Kaniya, bisan unsa pay kahimtang nga imong nasudlan. Unya Siya makahatag kanimo og hingpit nga kalinaw. Pilion ba nimo ang pagbutang sa imong pagsalig diha Kaniya karon dayon?

PAGDAYEG: Pinaagi sa nagkalain-laing nga mga online nga wali ingon man sa uban pa mga moderno nga aktibidadis sa pagpang-abot sa iglesia ang mga kanhing membro ug mga membro nga nangawala nabalikan sa interes diha sa Dios ug misimba pa pagbalik sa simbahan!

MGA HANGYO SA PAG-AMPO:

- Pag-ampo alang sa mga sakop sa iglesia nga nagakat-on unsaon sa pagpahat sa ilang paglaum diha sa usa ka paagi nga adunay kalabotan alang sa sekular nga mas-moderno-pa-nga-katawhan nga nanagpuyo diha sa mga ciudad sa kalibutan.
- Iampo ang mga magbubuhat nga mogamit sa metodo ni Cristo sa pagtagad sa mga panginahanglanon ug pag-abot sa mga kasingkasing sa katawhan nga nagapuyo diha sa mga ciudad palibot sa kalibutan.
- Iampo kadtong mga anaa sa taliwala sa krisis COVID-19, nga kondili nagkigbisog sa ilang kaugalingon, o may mga hinigugma nga nakigbisog uban ang maong sakit.
- Iampo ang kalinaw alang sa mga membro sa iglesia palibot sa kalibutan nga nagmahadlok ug nahadlok, o nanagbati nga nag-inusara.